

DISPUTATIO INAUGURALIS IVRIDICA,
DE
LICITO
IVDICIS FAVORE,

GERMANIS :

Vom erlaubtem Durchdiefingersehen eines Richters
bey Führung der Proceffe.

Q V A M
SVB PRAESIDIO
DN. IO. PHILIPPI STREITII,
ICTI,

EMINENTISSIMI PRINCIPIS ELECTORIS MOGVNTINI
CONSILIARII REGIMINIS, ET FACVLTATIS IV-
RIDICAE ERVVRTENSIS DECANI,

P R O L I C E N T I A
SVMMOS IN VTROQVE IVRE HONORES
CONSEQUENDI,

PVBLICAE ERVDITORVM DISQVSSIONI
SVBMITTIT

ANDREAS HENNICKIVS,


WELSA - TORG. MISNICYS.

DIE XIV, APRILIS, A. O. R. CIO IO CC XXIII.



I E N A E,

REC. PER IO. BERNH. HELLERVUM, 1746.





DISSERTATIONIS INAUGVRALIS,
DE
LICITO
IN IVDICE FAVORE

§. I.



diſoſa in jure res eſt favor in
Judice, utur, quod prover-
bio, ſed &, eheu ! veriver-
bio dicitur, *plus ſape valeat,*
quam lex in Codice. Et me-
rito ſane quivis, cui

De meliore luto finxit præcordia Titan,
odio plus quam Vatiniano proſequitur illum in
judice favorem, qui nihil aliud eſt, quam nefanda
illa, & à legibus tam divinis, quam humanis tan-
topere damnata, imo execrata, Proſopolyſſia,
utpote quæ Rēpublicam ſane haud mitius affli-
git, quam

*Trux bellum, vel dira fames, atratave
pestis.*

Parum autem refert, an amicitia, affinitas, consanguinitas, vel munera demum, ad vetitum, imo foetidum huncce favorem sollicitaverint judicem, eidem enim poenæ in jure constitutæ subjacet. Tenetur nimirum Judex talis per lodes judicans, ceu leges eum per contemptum vocant, duplici poena, nimirum L. Corneliæ de falsis, L. 1. §. 3. ad L. Cornel. de fals. & L. Jul. de repetund. per L. 3. & 4. ff. de eand. L. non tamen cumulative sed solum alternative L. 14. ff. de accus. & in script. item L. 32. in fine ff. de poen. præterea cum ex injusto favore prolata sententia executioni data, omne damnum parti læsæ restituere tenetur, & fit infamis L. 2. de poena jud. qui male jud.

§. II. Secundum Nov. 124. Cap. 2. si Judex in causa pecuniaria corrumpi se patiatur, tripulum ejus, quod datum, aut duplum ejus, quod promissum præstare tenetur, & dignitatem amittit; si vero causa sit criminalis, confiscatis bonis in exilium mittitur, Auth. Navo Jure Cod. de poen. Jud. qui male jud. præsertim si Judex fuerit pedaneus L. 38. §. 10. ff. de poen. quid? quod juxta eand. Auth. eandem incurrit poenam, si intra decem
mensēs

menses à die latæ sententiæ aliquid datum fuisse judici probatum fuerit, utut pars se nihil vel dedisse vel promississe juraverit. Quod si sententia judicis per sordes Judicantis nondum sit executioni mandata, simulac de sordibus judicis constiterit, est ipso jure nulla *L. 7. Cod. quando provoc. non est necess. sive æqua sive iniqua illa fuerit C. 71. non licet C. XI. qu. 3. juncto C. 64. non debet, eod.* quod tamen solummodo intelligendum de eo casu, quo sententia ex voto corruptoris est prolata, haud vero de eo, ubi ipsi est contraria, hoc enim in alterius præjudicium vergeret, qui se ab omni corruptione abstinuit, è contrario vero in commodum corruptoris, utpote qui voti sui compos fieret, si sententia etiam ipsi contraria à corrupto Judice lata, nulla esse pronunciaretur.

§. III. Nec putandum est, casum talem nunquam esse eventurum, ut corruptus judex contra ipsum corruptorem pronunciet, experientia enim nonnunquam, licet satis raro, id fieri nos edocet, cujus rei nonnihil paradoxæ causa esse potest vel nimis aperta causæ corruptoris injustitia, vel etiam, si altera pars factam corruptionem expiscata fuerit, de eoque judici constiterit, metus, ne injustam sententiam passus, ex justo dolo-

re, corruptionis judicem publice convincat, quod metuendum ipsi haud est, si contra corruptorem pronunciaverit, quamvis enim judex munera vel reapse exhibita, vel promissa acceptans indistincte de jure civili poenæ reus sit, sive jura litigantium violaverit, sive illæsa conservaverit *L. 3. §. 1. & 2. ff. de Calumniat. & all. auth. Novo jure Cod. de poen.* nihilominus certam spem tali in casu judex concipere potest, neutrum litigantium factam corruptionem esse denunciaturum, cum eum qui in iusta sua causa victor exitit, utpote illæsum, nihil ad talem denunciationem moveat, ipsi autem corruptori eandem maximopere dissuadeat partimid, quod propria simul turpitudine revelanda esset, quam alleganti ne quidem creditur; partim illud, quod ipsemet factam corruptionem denunciando se poenæ reum faceret, *L. 1. C. de poen. judic.*

§. IV. Sed præter maxime illicitum hunc judicis favorem datur etiam licitus, quem non nihil in hac ipsa dissertatione, ceu ejus inscriptio prodit, considerare in animum induxi: quæ enim hætenus, paucis quidem, de illicito judicis favore adduxi, nullo alio fine præmissi, quam ut opposita juxta se posita magis elucescerent. Voca-
ri

ri autem à nonnullis illicitus ille & injustus Judicis favor consuevit *favor hominis*, & e contrario licitus ac permissus *favor juris*. Licet enim alias favor juris plane contradistingvatur favori judicis, & nihil aliud denoter, quam insignes quasdam prærogativas personis quibusdam vel etiam causis concessas, e. g. sic dictis piis causis, impuberibus, mentecaptis, furiosis, foeminis, militibus, personis miserabilibus, quæ vocantur, pauperibus &c. nihil tamen obstat, ut paulo alio sensu etiam favor quidam in judice favor juris dicatur, illam hac denominatione benignitatem indigitando, quam in nonnullis impertiendam arbitrio judicis jura reliquere.

§. V. Si *Judicis* vocabulum tam lato accipere sensu aſſimus eſſet, ut etiam supremos seu eos, penes quos *res æquæ* in republica residet, comprehenderet, quales sunt in Imperio nostro præter Imperatorem, omnes sic dicti Status Imperii, amplissimus sese mihi aperirèt campus, diffusissimas de jure dispensandi, & aggratiandi pertractandi materias, sed id quidem à meo instituto alienum est, hinc Lectorem monitum volo, me hic per judicem haud alium, quam subordinatum intelligere. Et sic levato tandem velo tractationis

tionis hujus pelago naviculam meam committo.

§. VI. Statim autem vel in ipso processus initio licito judicis favori locum esse nullus dubito. Etenim cum Actor omnes eo nervos intendat, ut inchoanda lis intra brevissimum terminetur temporis spatium, quo nimirum quantocius scopo suo potiatur; Reus autem è contrario plerumque omnem movere soleat lapidem, ut eandem, quam longinque fieri possit, protrahat, unde dici solet, quod Reorum sit fugere *L. 2. Cod. de jurejur. propt. calumn.* rebus autem sic stantibus Actoris scopo procedendi modus summarius, qui dici solet, & contra Rei desiderio sic dictus ordinarius respondeat, prima sæpe læpius concertatio Actorem inter & Reum esse solet de eo, an processu summario, an vero ordinario causa sit disceptanda, Actore quidem pro viribus urgente summarium, licet causa etiam in se ad ordinarium potius spectet; Reo vero omnibus modis ordinarium exposcente, licet quandoque causa manifeste sit summaria.

§. VII. Jam licet pleræque causæ in jure determinatæ sint, quæ summarium requirunt processum, quas hic enumerare nihil attinet, cum passim

passim apud Ordinis Judiciarii Scriptores occurrant, nihilominus non solum haud pauca iudicis arbitrio hac in re sunt relicta, sed & iudicem pro re nata non raro in causa, quæ regulariter ad ordinarium spectat, loco ordinarii summarium admittere posse, haud pauci persuasi sunt *arg. L. 2. ff. de re judic. L. 2. pr. ff. de aqu. & aqu. plu. arc. & L. 13. §. 3. in fin. ff. de usufr. & summum quidem Principem ordinarium semper in summarium mutare posse, extra omnem dubitationis aleam est positum, cum hic omnia processus essentialia contineat, & ordinarius ab eodem non nisi quoad solennitates differat, quæ mere sunt juris positivi, in quibus liberrima est Principis potestas, *cap. 22. X. de accusat.**

§. VIII. At favorem talem non solum Principem, sed & subordinatum alium Iudicem Actori exhibere posse expressissime statuit *Carpzov. in Proc. Tit. 1. art. 1. n. 62.* causas etiam ordinarias summariter tractare licere pronuncians, si Judici æquum id fuerit visum, & ne putes hoc de eo solum casu intelligendum esse, quo Reus consentit, rationem in subsequentibus affert, cur etiam, invito licet Reo, id Judici facere liceat: *Cum enim, inquit, ratio processus summarii in eo consistat,*

B

ut

ut lites absque partis alterutrius præjudicio mox finiantur, sumptibus parcatur, & , quæ facili negotio expediri, ac sine ambiguitate judicialiter decidi & definiri queunt, ambagibus & prolixitate baud implicentur, utique si in causis ordinariis pro ratione temporis, personarum, aliarumque circumstantiarum ex summaria processus tractatione idem Judex speret, breviorēque litis decisionem justam sibi polliceatur, nequaquam ei manus erunt constringenda, quin, invito etiam Reo, processum summarium admittat, quod multoties factum memini. Et n. 66. addit: Ac ne quis putet Judici inferiori baud licere, quod Principi est permissum, jussit Serenissimus Saxonie Elector, non modo concordiam inter partes litigantes ante omnia tentare, sed modis quibuscunque providere, ne partes proveniant ad processum ordinarium, sed causa summariter decidatur, quando commode & utiliter id fieri possit. *Ordin. Proc. Jud. Tit. 1. Besonders aber 2c. §. Die- weil sich aber 2c.*

§. IX. Equidem in eo non possum facere cum Carpzovio, quando statuere videtur, ipsam ordinationem processus Electoralem all. loc. id velle, ut, reo etiam invito, processum summarium loco ordinarii decernat, hanc enim ipsius
men-

mentem esse ex connexionem verborum sub finem
§. anteced. adductorum cum præcedentibus n. 65.
ubi Principi fas esse dixerat, processum ordinari-
um commutare in summarium, & si mandet, sum-
marie causam tractari, summario subijciendam
esse processui, licet sua natura sit ordinaria, (& ad-
eo licet etiam Reus renitatur, quod sane tantum
non quisque Reorum tali in casu faciet,) quæ ver-
ba excipiunt illa: At ne quis putet &c.

§. X. Quo minus autem, si hæc, ut plane
videtur, Carpzovii mens est, ipsi hac in re consen-
tiam, duplex me ratio movet, primo enim nihil
in all. §§. Ordin. Proc. deprehendo, quod insinuet
Electorem velle, ut invito etiam Reo ad petitem
Actoris processum summarium loco ordinarii de-
cernet, nam Judicem saltem inibi jubet Serenissi-
mus Legislator, ut omnia tentet, quo partes vel
ad transactionem disponat, vel saltem id ipsis per-
suadeat, ut per modum compromissi, vel alium,
processum contrahant, temporique & nimis
sumptibus parcant, daß zum wenigsten der Process,
ut verba habent, mit ihrer beider Bewilligung
per modum Compromissi oder sonst eingezo-
gen, und vergebliche Zeit und Geld = Spildung
erspartet werde.) Quæ verba tantum abest, ut

idem, quod Principi licet, nimirum, etiam invito Reo, summarium substituere processum, judici quoque inferiori concedant, ut potius manifesto satis judici utriusque partis consensum in processum summarium, loco ordinarii, si fieri possit, elicere injungant.

§. XI. Altera mei dissensus ratio est, quod, si verba ordinationis de casu etiam, quo Reus summarium recusat processum intelligenda essent, inde consequeretur, non arbitrio Judicis relictum esse, an favere Actori hac in re velit, sed ipsius officii esse, ut semper id faciat, præcipitur enim hic judici, non autem solum permittitur, substitutio summarii processus in locum ordinarii: quod nunquam concedi poterit, siquidem hac ratione omnis processus ordinarius plane fere tolleretur, Actoribus quippe, ut supra dictum, tantum non semper ad summarium provocantibus. Ceterum ex recentissimis JCtis sententiæ, quod quandoque Judex invita etiam altera parte permutare ordinarium cum summario possit, ipse etiam *Illustris Bergerus* adstipulatur in *Oecon. jur. Lib. IV, Tit. XXX. §. 1. not. 2. p. 1161.* quamvis enim *ibidem* primitus, invita altera parte nec processum summarium in ordinarium, neque ordinarium in sum-

summarii converti posse adfirmet, statim nihilominus subdit: *At interdum hic valet arbitrium judicis, utpote qui etiam in processu ordinario admonetur, omnibus seu concisus dirimere lites &c.*

§. XII. Imprimis autem Judex quoad concessionem processus summarii loco ordinarii favere poterit eo in calu, cum actor omnia libelli capita in continenti ex documentis probata dare potest, saltem in Foro Electorali Saxonico, consentaneum enim id est expressissimis verbis in *Resol. Grav. d. anno 1661. §. 8. Ord. Recogn.*: *Unfangs seyn die Causæ ordinariæ, summariæ unter einander nicht zu vermengen; Wannenhero ein Kläger, wider Beklagten Willen eine an sich selbst ordentliche Sache summariter, oder auch causam summariam ordinarie zu tractiren, nicht befugt, NB. es wäre denn, daß in actione ordinaria alle libellirten facta aus gewissen Documenten in continenti zu verificiren, in welchem Fall Klägern nach Anleitung der Erledigung de anno 1661. Tit. von Justicien-Sachen §. 8. zwar summariter zu klagen unbenommen. vid. Bergeri Elect. Discept. For. Tit. 5. O. I.*

§. XIII. Sed sufficiat hæc de favore Judicis licito circa processus summarii in locum ordinarii

narii substitutionem in medium attulisse, & videamus, quid ille circa exceptionem inepti libelli valeat; Constat nimirum variis, imo fere innumeris, modis inepti libelli vitium Actorem incurrere posse, e. g. si diversi processus momenta conjungantur, si nimis sit obscurus libellus, *arg. Auth. offeratur C. de Litis contestatione, juncta l. 1. de edend.* si nimis sit generalis, nisi tamen actio ipsa actio sui natura sit generalis, ut actio pro socio, aut universalis, ut hereditatis petitio *arg. L. 3. & 4. C. de sentent. que sine cert. quant. prof.* Si omittatur causa legitime agendi; si contraria & secum invicem pugnantia contineat; si cumulentur actiones incompatibiles. Est autem inepta actionum cumulatio duplex, objectiva & subjectiva in illa plura tribus diversi generis capita uno libello junguntur, hæc adest, cum plures personæ haud consortes uno libello conveniuntur *qualem-catum* proponit *Berger. in Elect. Discept. For. pag. 1772.* quo nimirum Mercator contra quinque diversos emtores ex causa emti venditi (*wegen ausgenommener Krahm-Wahren*) ad solvendum pretium uno libello experiri ausus est.

§. XIV. Certum non minus est Reum exceptione inepti Libelli ejus rejectionem à Judice impe-

impetrare posse, consuetà illa formula : Daß die Klage, immassen sie anbracht, nicht statt habe. Interim nonnullis in casibus à favente iudice etiam ineptus libellus sustineri potest, e. g. superius dictum fuit de Jure Saxonico Electorali Actorem in causa etiam ordinaria ad summarium processum in libello provocare posse, si omnia libelli capita ex documentis eodem contentis probare possit : nullum dubium est, Reum in casu quo probationi tali Actor satisfacere haud potest, & nihilominus processu summario experiri contendit, exceptionem inepti libelli esse oppositurum ; At Judex in tantum Actori favere hoc in calu potest, ut non plane rejiciat, sed benigna interpretatione perperam sic pro obtinendo summario processu formatum libellum commutet in Ordinarium, quod egregio Præjudicio illustrat *Illustr. BERGER. in E. lect. Discept. Forensf. p. 129.*

§. XV. Sed datur etiam inepta inepti Libelli exceptio, quando nimirum Reus libellum talis ineptitudinis accusat, à qua rêvera est immunis, licet ex alia causa utique sit ineptus, e. g. si Reus ineptam cumulationem objectivam Actori objiciat, cum tantum subjektivam exprobrare debuisset. Sed etiam hoc vitium favor judicis quadantenus sanare

sanare potest, spectando potius id, quod à Reo fieri potuisset, quam quod ab ipso factum est, & consequenter exceptionem inepti libelli, licet non formaliter, materialiter tamen bonam, admittendo, quod licitum favoris genus pariter notabili præjudicio illustrat sæpe laudatus Dn. BERGER: in *Elect. Discept. Forens. p. 1772.* in casu antea memorato de Mercatore uno libello contra tres debitores haud consortes agente, ubi refert, à Reo oppositam fuisse exceptionem inepti libelli, hac ex ratione, quod plura tribus diversi generis capitula inibi juncta essent, inepte cumulationem objectivam cum subjectiva confundendo, qua inepta inepti libelli exceptione non obstante, rejectus à Scabinatu Vittenbergensi fuerit libellus.

§. XVI. Pergo ad materiam de contumacia & ejus pœna. Coercetur autem contumacia de jure ~~quidem Civili per capta pignora~~, *L. un. pr. ff. si quis jus dic. non obtemp.* vel, pro re nata, per missionem in possessionem, *L. 8. C. quom. & qu. Judex.* Secundum Jus vero Saxonicum contumax duriolem experitur sortem, dum amissionem causæ & ipsam executionem patitur, nisi severam nimis hanc pœnam Favor Judicis mitiget, (quod in primis in processu summario fieri assolet) & con-

& contumacem ad probationem solum legitimo-
rum impedimentorum condemnet, quamvis et-
iam si velit dilationem aliquam insuper concedere
possit Reo, antequam decernat dictam contuma-
ciæ pœnam. Quid? quod magis adhuc favere
Reo Judici permissum est, dum vel solam respon-
sionem absque condemnatione in expensas, sub
comminatione tamen pœnæ, eidem injungere
potest, CARPZ. in *Proc. tit. VIII. Art. 4. n. 56.*
it. *P. I. Const. 9. def. 20.* quantus autem hic sit favor
vel exinde intelligere datur, quod pro favore
haud exiguo habendum sit, si etiam cum condem-
natione in expensas responsionem Reo præcipiat,
siquidem mitior est condemnatio in expensas,
quam ad probanda legitima impedimenta, eo,
quod impedimentis non sufficienter probatis,
condemnatio in ipsam executionem, prævia A-
ctoris petitione, subsequi solet.

§. XVII. Multum autem interest, quo stylo sententia litis contestationem injungens concepta sit, an in hæc verba: Daß Beklagter sich mit seiner rechtlichen Nothdurfft einzulassen, und zu antworten schuldig sey; an vero ita: Daß Beklagter sich einzulassen, und den Krieg Rechtens zu befestigen schuldig sey. Prior enim tenor Reo, C poste-

posterior Actori magis favet, siquidem posteriora verba Reum ab omnibus exceptionibus dilatoriis excludunt, PHILIPPI *ad Decis. Elector. 14. Obs. 1. n. 7.* priora autem haud obstant, quo minus iisdem adhuc uti possit, *d. Decis. Elector. 14.* CARPZOV. *in Proc. tit. IX. Art. 1. n. 47. & tit. X. art. 2. n. 6. 7.* dummodo eas in primo statim termino opponat, & nisi tutus sit exceptione fori declinatoria, aut aliqua alia litis ingressum impediante, quæ in continenti ex actis, vel propria partis adversæ confessione, verificari possit, eventualiter litem contestetur, *d. Decis. Nov. 14.*

§. XVIII. Ast neglectis his, regulariter quidem Reus ob duplicatum terminum in expensas est condemnandus, *Chur-Fürstl. Sächsische Process-Ordnung*, tit. XI. in pr. potest tamen Judex etiam hic Reo favore, & condemnationem in expensas, si exceptionibus utcumque saltem verisimilibus, & probabilem quadantenus disceptandi causam probantibus, se tueri valeat, intermittere, PHILIPPI *ad dict. Decis. Elector. Obs. 2. n. 12. seqq. cum alleg. ibid. DD. eo*, quod poena contumaciæ sit arbitraria, CARPZ. *in Proc. tit. IX. art. 1. n. 67. 68.* Quamvis autem eventualiter lis contestata fuerit, Judex tamen super illa contestatione prius, quam

quam exceptiones dilatoriae plene sint discussæ, pronunciare haud debet. *d. Ord. Proc. l. c. §. 68. sollaber 2c.*

§. XIX. Fit nonnunquam, ut Reus oppositis exceptionibus dilatoriis simplicem ad libellum responsionem subjungat, quo in casu iterum Judicis favori locus est: si enim velit, Actori favere, & super litis contestatione pure pronunciare, litemque sic haud parum maturare potest, *CARPZOV. P. 1. Constit. 3. def. 3.* cum videatur Reus quodammodo ab exceptionibus suis recesisse. Si autem Reo potius favere velit, potest nihilominus super exceptionibus dilatoriis pronunciare. Pariter si Reus, quod fieri haud raro solet, postquam ad litis contestationem deventum est, litem quidem contestetur, sed non rite, poterit Judex Actori favere, & quamvis hic id non urgeat, Reo per sententiam injungere, ut apertius, clarius, & magis specificè litem contestetur, *Proceß-Ordin. Tit. XIV. in fin.* imo eum in expensas condemnare; potest tamen etiam ipsi parcere, inprimis si exceptiones utcumque probabiles deprehendantur, & ignorantia potius, quam malitia, subesse videatur, *CARPZ. Pr. tit. X. art. 4. n. 23. 24. 26.*

§. XX. Lite tandem rite contestata, excep-
C 2 ptio-

ptiones peremptoriæ opponendæ sunt, imo hodie cum ipsa litis contestatione conjungendæ, STRYK. *in Introd. ad Prax. c. 16. §. 1.* quo facto, Aëtori, cujus regulariter est probare, dilatio conceditur probatoria, ut durante ea se præparare, & statuto termino, sufficientibus intentioni suæ probationibus instructus, in judicio se sistere possit. Sicuti autem omnis dilatio (nisi forsan sit terminus fatalis, ut decendium interponendæ appellationis) ex arbitrio Judicis dependet, ROSBACH. *in proc. tit. 37. n. 9. seqq.* HAHN. *ad VVesenb. de fer. & dilat. n. 11.* ZOES. *ad ff. eod. tit.* BRVNNEM. *in repetit. paratitl. VVesenb. eod.* STRUIV. *in S. J. C. Exerc. 5. tb. 37.* ita etiam hanc ex æquitate causæque qualitate libere determinare, eam abbreviare vel prorogare, imo tertia & quarta vice concedere potest, *Recess. Imp. A. 1654. §. den Pun- tum & c. L. 7. de fer.* BRVNNEM. *in Proc. cap. 6. n. 11.* LAVTERB. *in Comp. Jur. tit. de fer. in f.*

§. XXI. Præterlapso autem dilationis tempore, Aëtor, quod ei à Reo negatum est, probat, quo fine producere solet articulos ex libello, vel negatis positionibus formatos, quos Judex postmodum examinat, an actioni institutæ conformes sint, an vero forsan impertinentes, quod, si dubi-
um

um sit, Judex omnes articulos, etiam qui impertinentes videntur, admittere potest, sed cum clausula: *Salvo jure impertinentium*. Juxta hos articulos examinantur testes, quibus si defectus aliquis opponatur, petaturque, ut à testimonio ferendo arceantur, probatio vero defectus in continenti non præsto sit, judex ex favore illos admittere potest, ne probatio pereat, salva tamen parti adversæ exceptione contra probationes & dicta testimonium, MENOCH. *de arbitr. Jud. quæst. causa 239*. MASCARD. *de probat. Concl. 695*.

§. XXII. Si Actor in libello possessorium & petitorium cumlaverit, non parum quoque poterit favor Judicis, cum, ut DD. uno fere ore fatentur, vel super Possessorio aut Petitorio solo, vel super utroque pronunciare, ipsi permissum sit, CARPZ. *Parte II. Const. 7. def. 9. n. 10. & 11. Lib. 1. Resp. 71. n. 23. seqq.* HARTM. PIST. *Lib. 1. quæst. 45. n. 12. seqq.* Cui favori etiam locus est, si salutaris clausula consveta: *Super his omnibus, quæ jam petita, aut quæ de jure vel consuetudine omni meliori modo peti debuissent, imploro nobile Judicis officium, pro jure & justitia largissime administranda*, libello adjecta sit, licet ille cumulationem possessorii & petitorii haud contineat. Ast si neque

hæc cumulatio, nec dicta clausula salutaris libello subjuncta, interest, an solum Petitorium, an solum Possessorium fuerit intentatum; illo casu super solo petitorio pronunciandum esse, communis est opinio, CARPZ. *lib. 1. Resp. 72. per tot. Parte I. Const. 26. def. 7. Et P. II. Const. 7. def. 9. n. 1. in Proc. tit. 1. Art. 5. n. 17. seqq. tit. XVI. Art. 2. n. 33.* sed si solum possessorium sit intentatum, CARPZ. quidem pariter putat, super eo solo esse pronunciandum, *ll. cc.* at insignem hic facit exceptionem *Noviss. Decis. Electoral. XIII.* facultatem hoc in casu concedendo Judici in Petitorio simul pronunciandi, modo Actor jura in petitorio allegaverit, Reusque ad ea ex professo responderit, ita ut exactis Judici de meritis causæ in petitorio satis constare possit.

§. XXIII. Porro, quid circa juramenta favor Judicis valeat, videamus. Hæc vel voluntaria esse, vel necessaria, constat. Illa quod attinet, nullum fere circa eadem favori Judicis locum esse facile concedet, quisquis eadem à voluntate litigantium dependere cogitaverit, nisi forsan circa terminum eadem præstandi. Et is quidem de jure Saxonico duplex est, alter ad offerendum, alter ad jurandum. Circa priorem, qui octiduo;
à tem-

à tempore, quo sententia vel decretum in rem judicatam transiit, computando, absolvitur, lis olim inter DD. agitata hodie decisa est, per *Noviss. Decis. Electoral. XVIII.* sancientem, ne quidem per taciturnitatem adversæ partis, de præterlapso termino non excipientis, prorogari eundem posse, sed ita tamen, ut si impedimenta habeat legitima, eaque in termino ad jurandum præfixo alleget, & in continenti probet, audiendus, neque juramentum ob id, quod non juraverit, pro deserto habendum sit. Quoad alterum vero fatale præstandi videlicet juramenti, favor Judicis in tantum locum habet, ut ipse etiam citra consensum partis terminum juratorium possit prorogare, vel requisitus ab altera parte, vel etiam sponte sua, *CARP. ZOV. Decis. Illustr. 193. & in Proc. tit. XI. art. 3. num. 82.*

§. XXIV. Quando pars cui ab altera delatum est jusjurandum, illud non præstat, sed alteri refert, quod integrum ipsi est, *L. 34. §. 7. 8. ff. de Jurej. L. 38. eod. L. 9. C. de reb. cred. secundum Ordinat. processus Saxon. tit. XVIII. §. Ferner die Relation &c.* relatio illa fieri debet vel paulo post delationem & ante sententiam præstationem juramenti decernentem, vel post eam, intra decendi-

um,

um, per modum leutationis, vel tandem eo in casu, quo referendi facultatem expresse sibi referavit Reus, intra octiduum à tempore, quo sententia publicata in rem judicatam transiit. Sed, licet etiam Reus de reservanda sibi referendi facultate non protestatus fuerit, Judex tamen ex favorem facultatem ultro in sententia ipsi reservaverit, integrum ipsi est, etiam post decendum offerendi sese ad præstationem juramenti, ita ut hac ratione Leutationis sumtibus parcere possit, CARPZ, in *Proc. tit. XI. art. 4. n. 19.*

§. XXV. Legalia inter juramenta considerare primo loco placet Juramentum Calumniæ, circa quod si locus aliquis Judicis favori esse possit, omnis ille consistet in ejus remissione. Sed huic non subjacere potest illud juramentum calumniæ quod, delato ab Actore juramento principali ab eo vicissim Reus postulat, eo quod per delationem illam juramenti principalis Reo jus sit quæsitum calumniæ juramentum à deferente exigendi, quod postmodum ipsi auferri nequit. Quin & in illo juramento calumniæ, quod ipse Judex decernit, sive generale sit, sive speciale, remissioni locum haud esse, prima fronte videri posset, eo, quod ne quidem partes disertis verbis sibi

sibi invicem illud possint remittere, siquidem lex de ejuranda calumnia in communem utilitatem lata est, *L. 2. §. 4. C. de jurej. propt. calumn.* Verum enim vero cum hodie potius juretur de calumnia committenda, quam evitanda, teste GAIL. *L. 1. Observat. 85. n. 4. & CARPZ. in Proc. tit. XII. art. 1. n. 9. ex allegato ibid. Maranta*, neque Sacramenti timore contentiosa litigantium instantia compesci possit, quem tamen scopum intendit Justinianus, *L. 1. C. d. l. arbitrio & favori Judicis etiam renuissionem juramenti calumniæ subesse asseri* forsan poterit, quo nimirum eo allaborare valeat, ne per leges, quæ perjuriam puniunt, via iisdem aperiat, quod satis inhumanum visum est Imperatori, *L. 2. C. de indict. vid. toll.* parcique possit tenerioribus conscientis, quæ ex subtili quadam reverentia etiam in justa causa ad jurandum ad superstitionem usque timida sunt, *L. 8. ff. de Condit. institut.* Unde laudabilis à quibusdam existimatur observantia in Camera Imperiali, quando juxta eam Procurator, qui juramentum calumniæ in animam propriam recusat, saltem muctam patitur, ne nimirum si litis dispendio talis recusatio coaceretur, ad tantum avertendum damnum in perjuriam Procuratores proruant.

D

§. XXVI.

§. XXVI. Circa suppletorium juramentum, quod ei deferri solet à quo semiplene probatum est; & purgatorium, ad quod ille tenetur, contra quem militant præsumptiones, catenus favori judicis est locus, quatenus vel Actori probatione plena peracta, juramentum suppletorium, vel Reo dicto in casu purgatorium deferre potest. Illi autem utique favetur, cui ex sententia judicis id commodi contingit, ut stare haud teneatur sola adversæ partis temeritate in jurando. Porro in eo quoque favor judicis circa juramentum suppletorium erga Actorem se exerere potest, quod, postquam peracta semiplena probatione in causa conclusum est, nec ipse ad suppletorium admitti se petierit, Judex nihilominus eidem id decernere possit, quod, licet forsân communi opinioni contrarietur, fundamentum tamen in eo habere videtur, quod partibus quidem, nunquam vero Judici in causa concludatur, GAIL. *L. 1. Obs. 108. n. 5.*

§. XXVII. Nonnulli hoc ipsum eo usque extendunt, quibuscum etiam facit CARPZ. *in Pr. tit. 12. Art. 2. n. 16. seqq.* ut haud Judicis arbitrio vel favori relictum afferant, an, si Actor semiplene probans ad præstandum suppletorium offerre se neglexerit, eidem id ipsum deferre velit, nec ne, sed

sed ad necessitatem, ut id à Judice fiat, pertinere contendant, provocantes ad *L. 3. C. de reb. credit. junct. L. 37. ff. de verb. signif.* Verum cum hæ leges id sufficienter haud probent, quod eisdem probare illi intendunt, nec judex officium suum, nisi desuper imploratus, impertiri teneatur, *L. 31. ff. de jurejur. junct. L. 1. C. quomodo & quando Jud. cap. ult. X. de Jurejur. junct. L. 40. pr. §. de Judic.* saltem eo in casu, quo clausulam salutarem Actor omisit, necessitatem Judici ad decernendum suppletorium de jure civili impositam haud esse, existimo. Nec tamen etiam cum ANT. FABRO lentire possum, qui in *Cod. L. IV. tit. 1. def. 8. n. 2. seqq.* asserere non dubitat, nec tum, quando Actor clausula illa salutari usus est, Judicem ad decernendum suppletorium haud teneri; quod enim rationis loco subnectit, non esse præsumendum aliquem hac clausulæ generalitate sese ad actum jurandi multum præjudiciale obtulisse, veritati consentaneum haud esse videtur, cum certe jûramentum hoc non Actor, sed Reo, sit præjudiciale. De jure autem Saxonico Electorali utique constat, siue ad suppletorium admitti quis petierit, siue petere neglexerit, à Judice id decerni debere, hoc tamen nihilominus arbitrio ipsius relicto, cui-

nam, Aëtori an Reo, id deferre velit, *Ord. Proc. Elect. Saxon. tit. XXX.*

§. XXVIII. Non dubitandum est, etiam circa juramentum in litem multum posse favorem Judicis. Distinguitur autem illud, uti notum, in juramentum *affectionis & veritatis*, vulgoque docetur, illi solum locum esse, si dolose egerit Reus, huic autem, quando culpam solum commisit, verum id *L. 4. §. 4. & L. 5. §. 3. ff. de in lit. jur.* aperte contrariumprehenditur, utpote ex quibus satis clare perspicitur, solam culpam juramentum in litem plane respuere, & non nisi æstimationem Judicis desiderare. In solo igitur casu, quo Reus dolum commisit, tam *affectionis*, quam *veritatis* juramento locum esse statuo, ita nimirum, ut judex vel hoc, vel illud, pro lubitu deferre possit, *L. 4. §. 2. ff. eod.* imo, ut etiam libertas ipsi competat, juraturo licentiam jurandi in infinitum permittendi vel denegandi, *L. 2. & 18. pr. ff. de dolo malo.* Illud si facit, multum quidem favet Aëtori, non tamen impeditur, quo minus in gratiam Rei, præstito quamvis juramento, nimiam liti æstimationem, prægnanti ex causa, & ob postea repertas probationes, restringere possit, *L. 4. §. 3. ff. de in lit. jur. & L. 5. §. 2. eod.*

§. XXIX.

§. XXIX. Magis autem adhuc favere poterit Judex Reo contra quem in litem jurandum est, si affectioni jurantis modum per sententiam statuere, atque ut intra certam quantitatem juretur, jubere velit, quod in ipsius potestate est, *all. L. 4. §. 2. Et L. 5. §. 1. ff. d. 111.* Quod quidem duplici modo fieri potest; vel enim Judex, dum modum juramento statuit, veram rei aestimationem quadantenus excedit, vel præcise eandem sequitur; illo in casu (quod ad puniendum Rei dolum ipsi omnino licet) eatenus saltem favet Reo, quatenus Actoris licentiam in infinitum jurandi restringit; in posteriori autem casu, quando nimirum veram rei aestimationem Judex non excedit, (quod ipsi licere vel exinde certum est, quoniam juramentum in litem etiam non deferre potest, *L. 5. §. 1. ff. de in lit. jur.*) adhuc magis favet Reo, dum ultra veram rei aestimationem eum non aggravat. Et hoc demum in casu præstitum ab Actore juramentum in litem nomen *juramenti veritatis* mereri videtur, cum vix aliud pretium pro justo habendum sit, quam quod rem aliquis, qui nec in, nec ad eam jus habet, illius tamen satis gnarus est, dignam aestimat: contra in priori casu, quando nimirum Judex Actoris jurandi licentiam non intra limites veri pretii coarctat,

stat, sed eam plus minus ultra id ipsum evagari permittit, juramentum in litem revera nec *affectionis*, nec *veritatis* proprie dici potest: non illud, quia Judex Actori non secundum affectionem suam jurare permisit; non hoc, quia nihilominus verum pretium jurando transgredi potuit.

§. XXX. Juramento in litem affine admodum est moribus & legibus Saxonis introductum *Juramentum minorationis seu diminutionis*, quod dicitur, adeo, ut etiam nonnulli eadem confundant, quos interest ZOBEL. in *gloss. art. 47. lit. b. Land-Recht Lib. 3.* cum tamen utique hæc duo juramenta modo haud uno ab invicem differant. Agit de hoc juramento *totustit. XXXI. Ordin. Process. Sax. & præstari illud solet à Reo*, (in casu, quo ipse Actori vi damnum intulit nec tamen in damni illati æstimatione ipsi cum Actore convenit, sed hic id ipsum majoris æstimat, quam Reus,) super propria damni æstimatione, eo effectu, ut ad majorem satisfactionem Actori haud teneatur ea, quam jurata propria illius æstimatio determinat.

§. XXXI. Differt autem juramentum minorationis à juramento in litem quatuor potissimum modis, nimirum 1) *ratione persone jurantis*, illud

illud enim à solo præstatum Reo, hoc à solo Actore ;
 2) *ratione petitionis*, illud enim non decernitur nisi
 petendum sit, hoc etiam citra ullam partis petiti-
 onem defertur ; 3) *ratione materia*, illud enim lo-
 cum solum habet in illata vi ablativa, vel expulsi-
 va ; hoc in qualibet violentiæ specie ; 4) *ratione*
temporis, illi enim non est locus, nisi in eodem fo-
 ro Electorali Saxonico, ante præstitam cautio-
 nem, litemque contestatam petatur ; hoc nulli
 adstrictum est tempori ; BERGER. in *Elect. Dis-*
ceptat. Forens. Interim me vix ac ne vix quidem
 comprehendere posse fateor, quid moverit inter
 alios etiam ipsum *Illustrem* BERGERVM, ut ab
 ipso Actore petendum esse iuramentum minora-
 tionis statuerint, si locus ipsi esse debeat, cum ta-
 men illud petere è re non Actoris, sed Rei sit, imo
 illius commodis plane contrarietur ; ipse enim
 efflagitat illatam damni resarcitionem juxta pro-
 priam æstimationem, cui moderandæ Jus Saxoni-
 cum in favorem Rei iuramentum hoc minoratio-
 nis adinvenit, quod adeo petere lite contestata
 Reus haud intermitteret. Nec hæc sententia ullo
 modo in *Ordin. Proc. all. tit.* fundata videtur, præ-
 fertim si conferatur *Ordin. Recogn. eod. tit. pr.* utri-
 usque enim textus hoc saltem insinuat, Actori ne-
 cessi-

cessitatem injunctam esse, ut ante cautionis præstationem & litis contestationem ad resarciendum juxta propriam æstimationem, damnum condemnari Reum petat, nisi is juramentum minorationis præstare voluerit.

§. XXXII. Progredior ad probationem; solennem nimirum, non subsidiariam, quæ per juramenta fieri solet, consideraturus, qui ejus intuitu favor Judicis se exerere possit, quod potissimum fiet circa terminum probatorium, ejusque dilationes. De jure quidem civili circa ipsum terminum probatorium nihil constitutum est, adeoque juxta illud in arbitrio Judicis est, quem terminum probatorium præfigere velit, CARPZ. *in Pr. tit. XIII, art. 1. n. 144.* quod nec de Jure Canonico aliter est, tum, quod illud in dubio semper concordare cum Jure Civili præsumitur, tum *arg. cap. 15. X. de sentent. & rejud.* sed quod dilationem ejus attinet, id sancitum in *L. 1. C. de dilat.* deprehenditur, ut, si instrumenta, vel personæ fidem facientes poscantur ex eadem provincia, ubi lis agitur, Judex minus quidem spatium tribus mensibus præfigere possit, (ubi adeo ipsius erga Reum favori locus est) non liceat tamen dilationem ultra tres menses producere; quemadmodum nec, si probatio ex provincia

vincia non ultramarina depromenda sit, ultra sex, si vero ex ultramarina petenda, plus quam novem mensium dilatio conceditur, & ita quidem ut nec ampliari eadem possit, quamvis de statu hominis, re in jure admodum favorabili, agatur, *L. ult. Cod. de dilat.*

§. XXXIII. Cumque etiam de jure Electorali Saxonico, licet terminus probationum Saxonicus in *Ordin. Proc. tit. XX. pr.* statutus sit sex septimanarum, & trium dierum, dilationes tamen ad quatuor usque concedi possint, secunda quidem & tertia non nisi legitimo impedimento in continenti probato, & quarta non aliter quam cum causa cognitione & sollemnitate legali, non obscurum est, etiam intuitu Juris Electoral. Saxonici non exiguum favori Judicis esse locum. Interim dilatio talis non semper terminum Saxonicum continet, sed pro ratione temporis & obstaculorum qualitatibus, modo dimidium dicti termini, modo unicam quaterdenam continet. Quod vero summariam ostensionem sive demonstrationem attinet, negandum non est, juris communis dispositionem in foro etiam Elector. Saxonico vigere, hoc est, ejus terminum, termini que dilationem Judicis arbitrio relictam esse, juxta ea, quæ trad. *CARP.*

E

ZOV.

ZOV. in *Pr. tit. XIII. art. 1. num. 197. seqq. & P. I. Const. XVI. def. 16.*

§. XXXIV. Quod si de solenni probatione agatur, Judicem, si favere velit, statim in sententia posse duplicatum, imo triplicatum terminum probatorium Parti indulgere, cui, si terminum præterlabi passa fuerit, restitutio in integrum denegari non potest, c. g. *Minori, Fœminæ &c.* sunt qui statuunt, contradicentique GAILLO, *Lib. 1. Obs. 108. n. 5.* eo quod Judex nunquam pro tribunali exemplo secundam vel tertiam dilationem, nec unquam absque aliquali causæ cognitione concedere possit; *L. 7. ff. de ser. & dilat.* respondent: insufficientem esse hanc rationem, eo quod causa restitutionis sæpe, utpote in ipsos sensus incurrens, nullam requirat desuper instituendam Judicis cognitionem, v. g. *sexus muliebris &c.* cum notoria non egeant probatione. Quamvis autem mihimet GAILLI ratio negandi non tatis prægnans videatur, alia tamen suppetit, quæ statim ab initio citra partis, cui probatio incumbit petitionem duplicatum triplicatumve terminum probatorium simplicis loco præfigere Judici dissuadet, nisi simul Partem illam ejus admoneat; duplicato triplicatoque termino inaniter elapso, nulla
in

in integrum restitutione ipsam gavisuram, alias enim Pars altera nimium gravaretur, illicitumque favorem Judicis id saperet.

§. XXXV. Etenim si sub hac conditione id fiat, aliquatenus quidem Parti probanti favet, dum eam liberat à tædiosa alterius Partis disceptatione, quæ fere est inevitabilis, nec tamen etiam huic nimium præjudicat. Cæterum quæ de probatione hæctenus dicta sunt, etiam circa Reprobationem locum habent, & eo magis quidem, quod favorabiles sunt Partes Rei, quam Actoris, *L. 125. ff. de Reg. Jur.* & quod Actori licet, Reo non possit non permitti *L. 41. pr. ff. de Reg. Jur. c. 37. de Reg. Jur. in VI.* hinc quoque est, quod Reo tanta termini probatorii intervalla, totidemque ejusdem dilationes concedantur, quot & quanta Actori concessa sunt, *GAIL, Lib. I. Obs. 91, n. 13.*

§. XXXVI. Peculiaris tamen Reprobationi est terminus, à quo ipsius fatale currere incipit, nimirum dies insinuatæ citationis, & quidem vel ejus, quæ ad publicandam Actoris probationem emanavit, quoties nimirum probatio aut solis testibus, aut testibus & instrumentis simul peracta est, vel ejus, quæ ad procedendum super probatione emissa fuit, si solis documentis, ubi publicati-

one non est opus, res confecta sit. Potest autem hic quoque quoad terminum reprobatorium Judex Reo favere, si ad ejus petitionem, per sententiam, quæ super facta recognitione productorum documentorum fertur, ipsum Reprobationem suscipere jubeat. Tum enim terminum reprobatorium demum à die hujus judicati currere tradit CARPZ. in *Pr. tit. XIII. art. 2. n. 30. ex Ordin. Proc. tit. XX. §. Wenn aber.*

§. XXXVII. Circa fatale introducendæ Appellationis aliquando in prorogando Judicis arbitrium, & consequenter favorem, versari, (quanquam hoc citra sententiam fiat) *arg. cap. 5. X. de Appellat. c. 5. X. de in integr. restitut. quibus jungi potest arg. L. 18. pr. ff. de judicat. contendit HAHN. ad VVesenb. tit. ff. de fer. n. 13. ast alibi, nimirum ad tit. ff. quando appelland. tradit id arbitrium esse, prout in hoc vel illo judicio certum ei tempus præstitutum, & prorogari illud posse, modo in termino legitimo id petatur, secus ac interponendæ, quod prorogationem nullam admittat.*

§. XXXVIII. Fatale justificandæ Appellationis, cum illud satis amplum sit de jure civili, si quidem non solum regulariter annuo constat spatio,

tio, sed & si probare possit Appellans, per se non
stetisse, quo minus appellationem justificaverit,
biennium concedatur, *L. ult. §. 4. Cod. de temp.
reparat. appellat. Nov. 49. pr. §. 1.* Judicis favor
in coarctatione tam ampli spatii se exerere potest,
cum nec annum spatium relinquere teneatur, in-
primis, si ex tanta dilatione aliquod periculum
immineat, aut ea non sit locorum distantia, vel
personarum causæve qualitas, quæ tam prolixum
spatium exposcat, *cap. IV. X. de appellat. c. 57. eod.*

§. XXXIX. Insignis etiam est favor, quem
ratione citationis ad justificandum aut prosequen-
dum appellationem Appellato exhibere potest;
Judex in foro Saxonico, ita nimirum coarctando
terminum justificandæ Appellationis, aut prose-
quendæ Leuterationis, ut licet dimidium saltem
terminum Saxonicum contineat, Appellans tamen
aut Leuterans sub pœna desertionis & condemna-
tionis in expensas, & justificare & prosequi Appel-
lationem teneatur, prout latius hæc exponuntur in
Mandato Serenissimi Saxonix Electoris specialiter
hac de re emissio d. 12. Aug. 1670. quod etiam ci-
tat BERGER. *in Elect. Disceptat. forens. ad tit. IV.
O. P. obs. 1. not. 1.*

§. XL. Cœterum, quemadmodum in iis,
E 3 quæ

quæ Appellationi cum Leutatione sunt communia, inter alia notatu dignus est favor, per quem utrobique etiam super accessoriis, ut fructibus & expensis pronunciare potest Judex, licet nulla horum in sententia, adversus quam Leutatio vel Appellatio est interposita, facta fuerit mentio, nec propter earundem emissionem remedia suspensiva adhibita fuerint, CARPZ. in *Pr. tit. XVIII. art. 1. n. 81. 82.* ita & iste favor circa hæc utrique remedio communia non postremus est, quando Judex Appellationis tam super recognitione certorum documentorum, de quorum tamen recognitione in prima instantia nec quaestio, nec desuper appellatum fuit, pronunciat; quam super exceptione præscriptionis in favorem Rei sententiam fert, licet pariter præscriptionis in prima instantia nulla facta fuerit mentio, nec desuper appellatio interposita reperiat. Uti etiam Judex in appellationis instantia, si favere velit, simul super petitorio, cæteris paribus, judicare potest, licet in prima instantia possessorium solum intentatum sit.

§. XLI. Quid? quod eousque Judex à quo favorem erga Appellatum extendere potest; pro re nata, ut sententiam à qua intuitu Appellantis deteriorare, intuitu Appellati vero deteriorare possit,

possit, licet etiam hic Appellationi non adhæserit.
 CARPZ. in Pr. tit. XVIII. art. 1. num. 42. Ratio
 autem horum assertorum in eo consistit, quod per
 Leutationem, in primis autem per Appellatio-
 nem, causa redeat in eum statum, in quo fuit tem-
 pore litis contestata, HARTM. PIST. Lib. IV. qu.
 23. n. 3. Sed temporis angustia exclusus vela hic
 contraho, Lectorem Honoratissimum rogans,
 ut, si non satis accurate elaboratum à me hoc the-
 ma deprehenderit, non solum ob festinationem
 me excusatum habeat, sed & cogitet, quod, ea
 potius in medium afferre, quæ hinc inde DD. de
 hac materia practica statuunt, quam eadem

severiori subicere examini, propo-
 situs mihi ab initio statim
 fuerit.

SOLI DEO GLORIA.

*Damit nichts leer bleibe, hat man, so viel der Platz
 vergönnet will, (Tit.) denen Herren Liebhabern mehrere
 Dispp. angeben, und darbey dienstlich melden wollen: Daß
 solche, wie gegenwärtige, ebenmäßig zu Jena in der Hellerischen
 Buchdruckerey, (mit einem gedruckten Catalogo, der noch
 viel 1000. Stücke, von allerhand in alle Facultäten einschlagende
 Dispp. in sich faßt,) um billigen Preiß zu haben sind:*

Thomasii

Thomasii de protractione justitiæ per amicabilem
compositionem partium litigantium à judice tentandam.
Ejusdem de protestatione jus protestantis non confer-
vante.

Ejusd. de usu practico actionis adversus judicem im-
perite judicantem.

Thomasii (Lipsiensis) de judicio inter parentes & li-
beros summario, secundum jus naturæ civile & germ.

Tentzelii de eo quod justum est circa personas in foro
litigantes præsertim actoris & rei,

Struvii & dificiorum privatorum jura proponens.

Slevogtj de jure omnium in omnia.

Unkauffii de protractione justitiæ per responsa priva-
tim à partibus obtenta.

Ulrichii de judice & ejus officio.

Wichmannshausenii de perjurio judiciali.

Wincopii de admittendis & rejiciendis procuratorib;

Wüstii de revisione actorum.

Wildvogelii de modo inverso in processu civili & cri-
minali vitando.

Ejusdem de officio actuarii.

Ejusdem de judiciis Silésiæ inappellabilibus.

Ziegleri de arbitris compromissariis.

Ejusdem de torturis seu quæstionibus.

Zollii de feudi per vasallum alienati præscriptione
contra dominum directum.

Ludovici de actuarii præsentia in actu testandi.

Plura de hac materia, præsertim de officio judicis, vi-
desis, requirenda sunt in huic simili appendice dissertationi-
onis Meyeri de judice spoliatore, p. 38. 39. 40.

F I N I S.

